

Bucuti & Tara Beach Resorts riba gold list di Condé Nast Traveler

Unico hotel na Aruba cu ta haya reconocimiento pa ta un di e mihornan na mundo



Bucuti & Tara Beach Resorts a wordo nombra den e prestigioso Gold List di Condé Nast Traveler, hayando asina reconocimiento como ‘un di e mihor luganan pa keda na 2013’. E resort pa adultonan na Eagle Beach a cay como unico hotel na Aruba den e lista di mihor

hotel y resort den categoria di Atlantico y Caribe. E Gold List di Condé Nast Traveler – mundialmente un di e publicacionnan mas importante pa loke ta biahamento y destinacionnan pa bay vakantie - ta un lista completo di e mihor hotelnan, resorts y liñanan di

crucero na mundo. Candidatonan p’e lista ta wordo getest y gescreeend pa lesadornan critico di e publicacion aki. E aña aki, un total sin precedente di 47.000 lesador a participa den e Reader’s Choice survey, produciendo un seleccion final independiente y cu autoridad

pa loke t’e mihor experiencianan di biahe den mundo henter. Lesadornan di Condé Nast Traveler a duna reconocimiento particularmente na Bucuti su beach trankilo, e servicio ‘Red Flag’ cu ta duna eynan y su staf cariñoso.

“Condé Nast Traveler tin un trayectoria largo como fuente di informacion critico y confiabel pa hendenan cu ta biaha y pesey nos t’asina contento y honra di por ricibi e distincion aki”, asina Ewald Biemans, doño di Bucuti & Tara Beach Resorts ta declara. “Pa 25 aña caba nos meta semper ta pa duna nos huespednan un experiencia inolvidabel durante nan estadia den nos resort, y nos ta kere cu un honor manera esaki ta refleha ariba nos compromiso y ariba e hospitalidad autentico di nos staf.” Siendo e unico boutique hotel

na Aruba cu ta sirbi adultonan so, Bucuti no solamente a haya reconocimiento di bishitantenan for di mundo henter, pero tambe cantidad di premio manera un lugar aña pasa den top 10 di mihor resort den Caribe durante e prestigioso Readers Choice Awards di Condé Nast Traveler, un puesto den e 10 hotelnan Mas Romantico di TripAdvisor, un ‘Certificate of Excellence’ di e mesun entidad aki y tambe e prestigioso Five Star Diamond Award. Ademas Bucuti a ricibi decenas di premio y reconocimiento riba tereno di medio ambiente y sostenibilidad, entre nan Green Globe Certification su Highest Achievement Award p’e mihor negoshi di turismo sostenibel den Caribe. Pa mas informacion tocante Bucuti & Tara Beach Resorts, bishita bucuti.com.